

■ GLOSSA

Sendas didacticas

DA SILVIO CAMENISCH

Ins na sa prest betg nua passar pli libramain or en la natira libra. Nua che ti passas, ristgas da gartegiari sin sendas didacticas ed avair fatg insatge fallà, avant avair legì las tavlas didacticas. Ussa las bleras bellas tavlas didacticas èn als posts respectivs per esser legidas. Betg mo legidas suror, discutadas en gruppas (idealmain 3–5) ed il schef/la scheffa da gruppa preschentass ils puncts relevants. Qua dastgan perfin dunnas «sa purtar en» (können sie sich einbringen) ch'ellas na dastgan betg là.

Ils posts respectivs e las tavlas duessan in e scadin s'approximar cun il dui respect. I sa chapiss en sasez da sasez, sch'ins avess gè ina educaziun en famiglia. Na dastg'ins betg presupponer. Ussa segir datti insanua ina senda didactica, schizunt interactiva, nua che quels deficits d'ina societad moderna san e pon vegnir curregids anc a temp. Ils lieus da respect fan endament tut lasuenter sontgets sin vias dal salit da lieu a lieu. In turissem, orientà endretg al salit da giasts da qua e da là, ha scuvert endretg quella nischa sin il martgà. Chapeau!



Mats e mattas, betg bittar crappa e bottas! Betg raiver sin las tavlas sco tants stgilats. E fashai plaz als seniors activs 99plus, sch'els vulan leger las bunas infurmaziuns. A quels ursuns, resgiads or cun resgia a chadaina maisterilmain dal maister aposta per la senda interactiva da l'urs, dastgais en tutta cas ir en bucca cun ils mauns, sche vus pudais tiers era cun ils pes. Quels na san betg morder sco noss crocodils e caimans en bognera a chasa.

Sendas interactivas dattan massa chaschun(s) d'imprender da las conscher da fund, duvront tut ils senns umans a disposiziun, igl ha plirs che quai ch'ins crai, als sto sulet (inter)activar il dretg temp al dretg lieu. En cas da dubis

betg esser memia schenà, perfin superbi, da dumandar noss voluntaris sa scolads e diplomads en la materia. Sche nus dastgassan render attent noss giasts da Grischun Vacanzas: La nova senda tematica interactiva tar puras en dessous, en dumonda per il Chalender da puras 2011 gia planisada. Il budjet stat. Sto mo anc planar las vias tar ils bains.

Sin noss culms chasa Cailanda e Montalin èn avertas sendas didacticas da chapricorns da marketing. Lain guardar e tadlar activ a la televisiun, tge che quels chapricorns instrumentalizads per diever da reclama han da dir uschè impurtant. Vulcan garanti vender insatge ch'ins ha! Sco sin viadis apparents (vorgetäuscht) en char climatisà per senioras e seniors da buna fai. Chapricorns baterlununs! Vairs proficommunicators per diever da marketing, ch'aueters èn il medem per culturas e litteraturas. Las tavlas en cementadas ferm, uschia che lader Pederpaver gist da viadi tras Grischun Vacanzas n'ha strusch schanzas da las prender (cun), stuess el schon sigliantar or ellas cun purla naira, e quai s'accurschess ins puspe.